



HEZKUNTZA, UNIBERTSITATE
ETA IKERKETA SAILA
Langileriaren Kudeaketa zuzendaritza
Langileriaren Kudeaketa

DEPARTAMENTO DE EDUCACIÓN,
UNIVERSIDADES E INVESTIGACIÓN
Dirección de Gestión de Personal
Gestión de Personal

ERABAKIA, 2007EKO 25 MAIATZAREN 25KOA, HEZKUNTZA, UNIBERTSITATE ETA IKERKETA SAILEKO LANGILERIAREN KUDEAKETA ZUZENDARIARENA, 2006/2007 IKASTURTERAKO ORDAINDU GABEKO IKASKETA-BAIMENAK ARAUTZEN DITUENA

Urriaren 1eko 228/2002 Dekretuak, Euskal Autonomi Elkarteko unibertsitateaz kanpoko irakasle publikoen lan-baldintzak araupetzen dituen Akordioa onartzen duenak, bere 52. Atalan, Hezkuntza, Unibertsitate eta Ikerketa Sailak, Langileriaren Kudeaketa Zuzendaritzaren bitartez, ikasketa-baimenak eman ahal izatea aurreikusten du, betetzen den lanpostuarekin edo funtzioekin zuzeneko loturarik ez duten jakintza-alorretan aritzeko. Hezkuntza, Unibertsitate eta Ikerketa Saileko Lan-Legepeko Irakasle eta Hezitzaileentzako Hitzarmen Kolektiboaren 31. atalak gauza bera esaten du.

Baimen hauen ezaugarri behinenak ondoko hauexek dira:

- Ikasturte osoa irauten dute:
- Ez dira luzagarriak.
- Ez dira ordaintzen.

Baimen hauek lortzeko betebeharrak hauek dira:

- Euskal Autonomi Elkarteko unibertsitateaz kanpoko irakaskuntza publikoko karrerako funtzionarioa, 2007ko irailaren 1ean lan-kontratu mugagabea duten erlijio-irakasleak edo mugagabeko lan kontratuduna izatea.
- Eskatzen duen funtzionarioak ordainsariei espreski uko egitea.

Baimena aldian ezin izango da hortik kanpoko beste inolako iharduera ordaindurik egin, baimenarekiko dedikazioa erabatekoa dela ulertzen baita. Ez da iharduera ordaindutat hartzen, egiten ari den prestakuntzatik datorren hura.

Hau bezalako gaiak araupetzerakoan, hots, ikasketa-baimenak direla medio, halako egoeran ematen den denboraren kotizazioa arautzerakoan, kontuan izan behar da funtzionario lizentziatua Gizarte Segurantzaren Erregimen Orokorren menpe edota MUFACE eta Eskubide Pasiboetan kotizatzen ote duen.

Lehen suposamenduaren kasuan kontuan izan beharko da 1992ko urriaren 27ko Aginduak ezarritakoa (1992ko azaroaren 5eko E.A.O.), soldatarik gabeko lizentzi edo baimena-egoeretan Gizarte Segurantzaren Erregimen Orokorren eraginpean dauden funtzionario publikoek erregimen horri kotizatu beharrezkoari buruzko jarraibidea alegia. Aipatu Aginduaren 2. atalak dio ordaindu gabeko baimen edo lizentzien aldian ordainsariak ematen dizkion erakunde publikoak alta mantendu eta kotizatu beharra daukala. Hala ere, atal bereko bigarren lerroaldian esaten da administrazioak gertakizun arruntetatik sortutako kuota patronalari dagokion atala ordainduko duela soil-soilik, eta kotizatzeke oinarria, zerbitzugintzan jarraitu izanez gero legokiokeena izango dela.



Funtzionarioa MUFACE erregimenaren babespekoa bada, Administrazioak martxoaren 28ko 375/2003 Errege Dekretuak ezartzen duenari heldu beharko dio. Izan ere, errege-dekretu horren bidez administrazio-mutualismoaren araubide orokorra onartzen da, eta bertan ezartzen da jarduneko zerbitzuan dagoen funtzionarioak kotizatu egin behar duela, eta lizentziaz gozatzea ere egoera beretzat joko dela.

Ihardunbide hau antolatzeko asmoz eskariak aurkezteko epe bat finkatu da, eta berauei buruzko erabakiak ahalbidetuko du ikasturtearen hasieran langileriaren kudeaketan eragina duten gainerako ihardunbideekin batera aritzea. Horrela, deialdian aurkeztutako ikasketa baimenak lortu nahi dituztenek Lurralde Ordezkaritzetan Langileriaren Kudeaketa Zuzendariari zuzendutako eskabidea aurkeztu beharko dute, egin nahi duten ikasketa proiektuarekin batera.

Emandako ikasketa-baimenei 2007ko ekainaren 23a arte (hau barne) bakarrik uko egin ahal izango zaie.

Izangai batek IRALeko liberazioa eta ikasketa baimena lortzekotan, interesdunak aukeratu ahal izango du bere interesei komenigarrien gertatzen zaion aukera, kasu honi aurreko idatzian esandakoa aplikagarri gertatzen ez baita.

Langileriaren Kudeaketa Zuzendariak erabakia hartuko du.

Ikasketa baimenaren aldian, irakasle onuradunak Langileriaren Kudeaketa Zuzendaritzan honako agiriok aurkeztuko dituzte:

- 2007eko abenduan zehar: ordurarte egindako lanei buruzko txostena edo ikasketetak egiten ari den ikastetxean matrikulatuta egotearen egiaztagiria.
- Ikasketa baimenaren aldia amaitu eta hilabeteko epean (gehiago luzatuko ez dena), egindako ikasketen egiaztagiria edo ikerketa lanaren txosten orokorra.

Aurreko guztiak kontuan eta eman zaizkidan ahalmenez , hona

ERABAKIA

Lehena.- Ordaindu gabeko ikasketa-baimenak ikasketa ofizialak edo ikerketa lanak egiteko ematea. Baimen hauek esleitzeko garaian kontuan izango dira hezkuntz plangintzarekin, eskatzaileak irakasten duen espezialitatearekin, bere kidegoarekin edota egin nahi dituen ikasketen edukiarekin zerikusia duten alderdiak.

Bigarrena.-Ordaindu gabeko ikasketa baimenak eskatzeko epea 2007eko maiatzaren 25ean hasten da eta urte bereko ekainaren 4an amaitu.



ERREKURTSOAK

Urtarrilaren 13ko 4/1999 Legeak aldatu duen Herri Administrazioaren Araubidearen eta Guztientzako Ihardunbideari buruzko azaroaren 26ko 30/1992 legearen 114 eta hurrengo atalak, 107.1 atalarekin bat, xedatutakoari jarraituz, erabaki honen aurka altxada errekurtsua aurkeztu ahal izango da, Hezkuntza Sailburuordearen aurrean, hilabeteko epean, argitarapenaren biharamunetik kontaktzen hasita.

Vitoria-Gasteizen, 2007eko maiatzaren 25ean.

Itziar Garaizar Agirre
LANGILERIAREN KUDEAKETA ZUZENDARIA